



Chamna Aw

(A Monthly Organ of the Evangelical Synod Church)

Vol. XXXII

No. 09

December, 2017



2017
Kum
thupi:

KRISTA DINGA PALAI

II Korinth: 5:20

Editor: Rev. Thangkhoiem

Chamna Aw

(Evangelical Monthly)

Regd. No. 64436/96

E-mail, e7s7c7@gmail.com

www.synod church.com

Alak man apat ₹

If undelivered pliz return to:

ESC SECRETARIAT,

Chengkawnpang, Churachandpur,

Manipur - 795158

Published by Rev. Thangkhoiem on behalf of the Evangelical Synod Church
Printed at: THAWNSAAU PRINTING WORKS, CENTRAL LAMKA.

PIN

--	--	--	--	--	--	--

CHAMNA AW PHUNGVUKNA DING

- | | | |
|-------------------|---|-----------|
| 1. Chief Patron | - | ₹ 5000.00 |
| 2. Patron Member | - | ₹ 4000.00 |
| 3. Diamond Member | - | ₹ 3000.00 |
| 4. Gold Member | - | ₹ 2000.00 |
| 5. Silver Member | - | ₹ 1000.00 |

Chamna Aw

SUOHPAT KUM 1986

a sunga thu umte

- Editorial01
- Genlawkna..... 03
- Tukum Kristmas leh Kumthak 2018... 05
- Lalpa Isu Krista thuthun/khanggui..... 08
- Bethlehem changthak in 11
- Krista pien..... 14
- E he.. Leng Herod..... 17
- Chamna thu leng hen 23
- Belam pute..... 25
- Transform World 2020..... 28
- ESC Workers' Seminar 2017 31

EDITOR ANA HITE

1. Upa Lalkhgin 1986
2. Rev. Khaigin Gangte 1987-2005
3. Rev. Lamkhawsat 2006-2013

Vol. XXXII No. 09
December, 2017

EDITORIAL BOARD

Chairman:
Upa Dr. L.S. Gangte, M.A. M.Phil.

Editor:
Rev. Thangkhoiem M.Div.

Asst. Editor:
Rev. K. Siemlien B.D.

Associate Editor:
Rev. Khaigin Gangte B.D.
Upa Paozalun B.A.
Rev. L. Sata B.Th.

Bible Study:
Rev. T. Kamgin Gangte M.Th.
Evan. Paukhomang B.D.

Contributing Editor:
Upa Th. Manggul B.A.
Rev. T. Kampu M.Th.
Rev. Henkholien M.B.S.
Pastor Khaitinthang B.Th.
Evan. L. Minthang B.Th.
Miss Chinboi MRE

Circulation Manager:
Mr. Paubik, Secy. SEB
Mr. Letkhokam, Cashier

- Kumkhat lakman Rs. 150/-
- Thusuoh nuom nei te'n ESC Office Post Box-54, Chiengkawnpang, Churachandpur a thak ding.
- Ala nuom leh a man pie nuom te'n circulation Manager, hetsak ding.
- Thukisuoh cheng hi ESC Ngaihnan ahi vek khel pui. Article zikte'n a mawh a kipuok chiet ui.

PRINTED AT
THAWNSAAU PRINTING WORKS
CENTRAL LAMKA



La Lakkhawm sukthak latna
19th November, 2017



Tuinom Houin mun ding latna
22nd November 2017

in alamdang zung zung ta a, Thugenna haw leh Discussion haw hi Pathien thagau puihhuoina a chang nasa mahmah maia, hun hih aki hawmthawh deuh zing maia, hun awng dana kilang cheng chuh pahchakna leh lenkhawmna a sukdim ahivek mai hi, Ahun hi sautak (sawttak) guolin kilang mahleh, Pathien thagau mapuihna zalin hawmthawh umtak ahungsuok tai. Tiemteh tak, Lawiupate hin khutitieng taka mission field ngaihkhawkna leh lunggulhna neia mitthitui puma “KRISTA PALAI” missionaryte liemna leh chauhna sukdam ahih ua, PALAI ahihna bangtak ua panthak alaktheihna dingua Pathien suonga ahung kipumpieknaui hi, missionaryte a dinga chanchin pha go lul takmai chu ahi

Abiktakmai in HQ. Chiengkawnpang missionary board te hin pan alanasa takzet ua, mission field hi (cha sen anun alainat bang takin) alainat ua, achang leh suok in akisiem ua, na asem ua, achang leh lainatna ziekin mitthi luong in apaucham zelua, achang leh kipakin Lalpa pakchan alam deldel zelua, amauhaw ziektak hinle, Pathien thagau pawlna akichang chuong mahmah hi, Thugentute hawnle amau thupi chietah pan ala hawih khawpmai ua, mitthi luong puma sinsakna eihun piek uhin lunggil nguisate eiphawng halhthaka, KRISTA PALAI kahihnau kihengilhloa malama kalsuon zawm zeldinga thupukna chuh missionaryte lunggil achun nasa takin ahunglut ta a, Pathien sapna kachan hawu kha ahung kiduoh thak kit hut huta, adiektakmai in HQ. Chiengkawnpang missionary board ten missionaryte kawmah lungkie himhim kiu un, nanghaw a dingin kadingzing ua, ka hun pau chappih zing ui, tia tilkhohna ei hung piek uhin, lung athawng takzet hi. Zie tawbang tilkhohna hi missionary ten kana zakha jepiep puou hi, Meithai leh Numeisie cha hi zieng mahleule, akiko thawm u hi Pathien aw ahi kati lothei puou hi. Zietawbanga hun hawmthawh zing puma SEMINAR khakna nitak program ngaklahtaka aki umlai in, gelphaklohna lam takah ichapau KHUPLALMUONG kum 4 mi tuia kie lum thu ahung tungphut ta a, zan khawvaka mi thi chutpih in zingkal dak 8 velin vuihliem na akineia ziezawh chun, Pastor Lienkhotinmang in seminar khakna aneia, azindawk dingte thakdawkna tawh pauchamnan hun suktawpna anei tai. Lalgam a dinga I sepnau leh i kipieknaui haw hi thawm in umpuon a. Lalpa hatna muongin malam nawhzel hitiu.

Simtute Lalpa'n hunvangsak chiet tau hen.

Na sepaiah chanpih uh,

Rev. L.T. Gangte,
Field Superintendent.



AMAH DINGIN MUN A UMPUOI

(Luke 2:1-7)

“Tichun nautil in chapa a nei a, chun puon nem in a tuom a, khuolbuk achuh amau dinga mun aumloh ziekin gan an piekna kuong achun a siel ta a.”

Isu ahung pien dan akipat a a thupuok dawkhuh:

- ✓ Mun niem leh tawm ah a pieng hi.
- ✓ Mi nuoinung pente dinmun ah a hung pieng hi.
- ✓ Mi cheng cheng ading a kipahna lopipen ahi.

Belampu te dinga thilmak leh lopi ahi. (Luke 2:8 -20)

1. Ginchakloh leh maktak thil hung tung.

“Lalpa vansawlchak a kieng u ah a hung kilak a, Lalpa lopina'n a kimvel u chuh ahun khawh vak a. A lau mah mah tau a. ... Vansawlchak chun, “Lau kiu unla ngai un, mitin ding a Chanchin Pha kipah um mah mah ka hun puok na hui hi.”

2. Tiemtehna lamdang, “Zie nang u ding a melchikna ding ahi, nausen puon a tuom, gan-an piekna kuong a kuol mun lau.” a ti a (Luke 2:12)

3. Ginchak theih loh khawpa mak: “Belam chingten amah a va muh phet u chun, nausen chanchin vansawlchak in akawm ua a gen khah, amau haw a hilh tau a. Belam chingte thugen za taphawt chun mak asa tau a.” (Luke 2:17 – 18)

(a) Kristmas thuchah lopi tak chuh:

Luke 2:10 – “Mitin a dinga Chanchinpha kipak um mah mah ka hun puoksak na hui hi.”

(b) Bethlehem a nausen pieng (Luke 2:11)

- Tun hin nang uh dingin Hukdampa a pieng tai.
- Lal Krista chuh.



- (c) Kristmas a hi bang hih ding ahim?
- Isu, nausen a pieng chuh chieh inla va kimuh pih in.
- Zie Isu chanchin chuh midangte kawm ah gen sawn in.

ISU KRISTA KHANGGUI

(Matthai 1:1-18)

Isu khanggui umlo hiele numei panna hung nei te:

1. Tamar – Thilsiembul 38:3
2. Rahab – Joshua 2:5
3. Ruth – Ruth 4:5
4. Uriah Zi – 2 Samuel 11:6, 11-12

CHANCHINPHA CHUH MI CHENG CHENG ADING AHI

- Numei leh pasal a ding.
- Juda leh jentel te ading in.
- Mithiengtho leh migilote ading ahi.

“Khutichun, Juda leh Jentel kal a kilamdanna a um ta puoh a, suok leh suok lo kal a le, numei leh pasal kal a le a um diek ta puoi; na bawn u chun Krista achun pumkhat na hung hi tau hi.” (Galati 3:28)

KRISTMAS ATUN MASANG IN

- Hetbuoina leh thimna aum hi.
- Thihna thim nuoia mi cheng um vek.
- Thimna zieka buoina, lungkiekna um.

KRISTMAS ATUN ZAWH IN

- Vak nading a hung kilang hi.
- Hinna Vak Lal Isu muhtheih ahi.
- Kipahna vak a leng thei



EVANGELICAL SYNOD CHURCH (ECCI) LEFUNGA' TRIPURA WEST WORKERS' SEMINAR 2017

Amun : Lefunga ESC Campus
Ahunsung : October 19-22.2017.
Thupi : “Krista Palai” II Korinth.5:20.
Thugentute : Rev.T.Kampu, President AAS
Rev.K.Siemlien, Director Mission & Evangelism
Pu Lamgin Member, Mission & Evangelism
Pu Pakkhohen : Invitee

Amasan thil loptak ei hihsaktu Lalpa Pathien kawmah kipahthu genin, simtute na bawnun LAL ISU minin kipahna leh ngaihnatna chibai ka hunbuk chiet nahiu hi. Tuchung Workers seminar report hi thatnawp a umna banah, central mission board deihsakna zala reportna hun pieka ka um ziekin lawi upate chungah kipahthu ka gen hi. Tuchung workers seminar hih Central mission board guong galhna nuoia neih ahia, program ki guong galhdanhaw hile aguhgemkhawpmaia, vak et zieng inle lawi upate lunggil ahin gamthim veina nasatak a umhi tih hi muh in auma, lungthimguk achun lawhting ngeidinga kinepna lientak ei siemsak ngal hi.

Date/19/10/2017(Ningani) nitak dak gup in, Rev LT.Gangte Field superintendent in SEMINAR hawnna aneia, seminar adinga vangsakna ngenin Pathien khuta kawlsakna aneia, program chuh pat ngal ahi, workers hungkhawmte haw hi station chuomchuom mun kuo vel apat hungkhawm ahiau.

Agape, Simna, Bethel, Mokam, Maikhar, Doi, Kumari Bill, Rajghat leh Lefunga apat ahi, Missionary hi mi sawmnih(20)vel ahung khawm ua, agam mi worker te haw hi mi sawm(10)vel ahung khawm ua, akigawmin mi sawmthum(30)vel ahi, anikhatni ziltawpni hih missionary te chauh a dinga guon ahia pauleh umloa Gangte pau mat ahia, ani nihni Kiginni hi native worker te a dinga guon ahia, Kokborok mat ahia, ani thumni nitawpni pen Pathienni hi sapchuom mipite haw tawh matkhawm ahi.

Tuchung Tripura ESC mission field a workers seminar hin lung aphawnga, hinkhuo lunggel asukha mahmah mai hi, thugentute'n le tihtakzetin pan a lau a, mitthi luonga Pathien kawma panpihna ngenzing pumin “KRISTA PALAI” tih thupi hi mangin Pathienin avawpsakdan bangchietun chanchinpha ankuong chu ahung luidawk taua, ani anin worker te lunggel leh ngaihtuohna chu a hungthak

1. “Himahlele, Thagau Thiengtho chuh na chung ua a hungtun tieng leh, thilhih theihna hun nei unlau, tichun, Jerusalem khuo ale, Judea leh Samari gam khuo tin ale, kawlmang tiengin ka thu hetpihte hi’n lau,” a ti a (Nasepte 1:8).
2. “Zie tawbanga hi LALPA’N thu ei piek ka hui hi:
‘Jentel te vak sak dinga ka guot na hui hi, Khutia chuh khawvel pumpi hukdama a um theihna dingin,’ tih zik guol khan,” a tiu a (Nasepte 13:47).
3. “Ka ngaihtuoh nate chuh na ngaihtuoh nateu tawh akibang puoh a; Ka lampite chuh na lampiteu tawh akibang puoi,” LALPA’N a tii. Van khu lei sanga a san zawk bangin, ka umdante hi na umdanteu sangin a sang zaw ngala; ka ngaihtuoh le na ngaihtuohnau sangin a sang zaw ngala” (Isai 55: 8-9).

Ecuador Gam hi Latin America gam lak a khat ahi. Pau ahileh Spanish pau ngen a mang ui. Keile Ecuador mi ka hipuoi ka tihleh ei taksang puou. A gam mi in eikawih tawp mai ui. A gam hi vang gam nuom ahi, ahin government a detloh ziek un a khan di bangin a khangzo puou. Population: 16,573,000; Christian chu 93.7% ahi zo ui; Evangelical ahileh 8.04% ahi. Eimi mel mah

mah le a tam ui. Thingtanglam Santing, Chongkhozo vel a hung kipan hileu akilawm ui. Afro-Ecuadorian mi vawmte mel le a tam ui, German mi bang, Sap pien deuh mel bang, Han-Chinese mel bang le a um zel hi.

Ecuador hi Brazil kawm deuh, Argentina sak deuh ahi a, a gamla a lenna akichut sawt ziekin, chawh chuh a um deuh hi. Ka hung kit lamin flight connection Amsterdam a a umloh ziekin, nikhat ka hung nichuon lawh hi. Ecuador gam ihet theihna ding pen u chu 1956 a sap tangval nga; Nate Saint, Jim Elliot, Pete Fleming, Ed McCully, and Roger Youderian chamchinpha gen ding a chieh ana thatte gam kha ahi. Waodani namte ana thah uh film ah a hun thawh in “The End of the Spear” kha ana enkha le tamtak um ding ihui, maktak mai in, Waodani namte hi Christian ahung hi tau ahi. Kum sawmnga chieh ta Kristien martar chang tangval hangsan chanchin kigen chimlo te kha ahi. Ecuador gam hi Lalpa nasepna, pauchamna, thil piek leh chanchinpha thehzakna a, hattak a, suk thathawh ahihna ding un pauchamna’n hei tiu.

Lalpan a gamla leh nai, Amah chanchinpha phuonzak tu ding leh mite hinna lam a puitu dingin I report chawmcha hi ei vangsak sak taken!

GENLAWKNA

ISU PIEN DING THU

- Pu Zasawng, Shillong

Zieziekchun, thiemgaute thu genlawk haw akhan muonna det zawsem ka nei uh ahi. Zie chuh, na lunggil uh a, Zingsawl aksi a hung vak masang sieh in, khawvak ma a thaumei vak tawbang in zie thu chuh na lungthim uh salhvakna’n mang leu chin pha ding ahi (*II Peter 1:19*).

Ziehaw bana chun, Pathien lehkhahu a hilhlawkna thu haw hih kuoman amah mai hetnan a hilhchien theipui tih hi hezing un. Hilhlawkna thu him him hih mihiemte deihna apat hin ahung pawt puoha, min, thagau thiengtho puih huoi a Pathien apat amuh chenguh agensek uh ahizawi.

Chun, nang leh numei hi hun kidosak ing ka ting; nang suonte leh amah suonte le kido sak ing ka; amah chun na luchang khên thidup intin nangen a khawtalzum chu thidup in la,” a ti a (*Thilsiembul 3:15*).

Aw khat hung gi chun, “ Lalpa lamlien lai unla, gamgaw achun I Pathien uh lamlien chuh hei zang un. Guom tin chuh sun dim hi’n tin, tang tin muol tin le sukniem hi’n a; lam kawite chuh suzkang

in um intin, lam kiguol lohna haw chuh sukguol hi’n a (*Isaiah 40:3-4*).

Zieziekchun, Lalpa ngêi chun melchikna hun pie’n tin, ngaitiem u, nungak thiengtho chuh gai intin chapa hing intin, a min dingin Immanuel sa’n au.- 7.14: Mat 1.23 (*Isaih 7:14*).

Himahlele, Aw nang Bethlehem Ephrathah, Juda gamsung a khawpi te laka neupen na hi a, himahlele, nang apat in Israel te vaihawm ding tungdawk ing ka, a phunggui malai pek apat a sût a um ngêi chuh (*Mika 5:2*).

A tûngin Thu a um a, Thu chuh Pathien kawmah a um, Thu chuh Pathien ahi (Johan 1:1).

Amah chuh ahi, thiemgau Isai-in, “Gamthip a mi kiko khat chun, ‘ Lalpa lamlien lai unla, A lampi

hêi zang un, 'a tii," ti a a gen kha
(*Matthai 3:3*).

"Ngaitie, nungak thiengtho chuh
gai intin, chapa hing intin, a min
dingin Immanuel sa'n au," ti a a
gen kha. (Zie chuh "I kawmah
Pathien a um" tihna ahi.)- 1.23:
Isa 7.14 (*Matthai 1:23*).

Vânsâwlchâk chun a kawmah,
"Mari, lau ki'n, Pathien
deihchuom na hi. Ngai ah, gai
in na tin, chapa hun nei inla, a
min dingin ISU na sak ding ahi.
Amah chuh milien hung hi'n tin,
Chungnung pêh Pa Chapa ti'n
au. Lalpa Pathien in a kawmah
a suonpau David chutphah chuh
pie'n tin, (*Luke 1:30-32*).

Jessai bulsum chuh hung seldaw
in tin, a zung apat in a bâk khat
hung seldaw ina. Chun, Lalpa
Thagau, chitna leh hetthiemna
thagau, lemguotna leh hatna
thagau, hetna leh Lalpa kihchakna
thagau a chungah chu'n a. A thu
zawp a chun kipahna nei intin,
Mit a muh leh bil a zak mai in
vaihawm puo'n tin. Mi chagahte
phatak in vaihawm sak intin, leia
mi thunuoigawlh te a ding chun

khenchuom neilo in hihlgaih ina;
a kama khetbuk in lei hi khên
intin, a mûk a hu pawt in minunsie
chuh that ina. Chun, diktatna hi a
kâwnggak hi'n tin, ginumna'n le
kivan ina (*Isaiah 11:1-5*).

KRISTIEN MAPUITE TITNA DING CHU

1. Amah kithunun thei.
2. Vision diktak nei.
3. Ahun taka thupukna
siemthei.
4. Thagau a piting.
5. Mi taksan um.
6. Vaihawm thiem.
7. Amah dinmuna ding ding,
siem dawk thei.
8. Pauchamna ngai khawk.
9. Lungna vaklo.
10. Hun mat thiem mi
hiding
11. Thusie hawllo Bible ngaina.
12. Khawvel thil ngai nalo,
huoiham lo.
13. Pathiem tawh kipawl zing.
14. Mi kingainiem, mi
kisukipak thei.
15. Mi gensietna ngaithiem.
16. Amah sanga midang
phazaw a ngaithei.

gamsung a um, banglam hah bawl a
bangtia pan laktow zel ding tihhaw
akigen khawm hi.

TW2020 puitute Dr. Luis Bush leh
a teamten mapuiin kiholimna leh
discussion zat chuom chuom chu
ana kibulphuh a TW2020 Summit
I Bali ah 2012, Summit II Kansas
City ah 2013, Summit III Geneva &
Macon ah 2014, Summit IV Incheon
ah 2015 leh Summit V Bangkok ah
2016 umte sutzawpna ahi.

Khawmpi ah telte chuh a tawpni,
nithum ni sunnung in, gam chuom
chuoma hung khawmte chuh
group 10 in ka hung kikhen ua.
Gam bung bung in holimna; hun
chiehsa panlakdan, Lalpa nasepna
leh septoh zel ding dan ka hun gen
khawm ui. Zie gambung sawm (10
Regions) te chuh ahih leh:

1. Non-French Speaking Africa
2. French Speaking Africa
3. Middle East
4. East Asia
5. Eurasia
6. North America
7. Latin America
8. South Asia
9. South East Asia
10. South Pacific

A tawpni a sun-nung pumpi chu,
Regional Meeting ahi a, South Asia
a patin mi gup chauh ka hui a. Kei
uh mi gup ten haksatnate ka hun
genkhawm ua, Chanchinpha zieka
kithenlamdanna te leh, issues,

concern, missions, challenges ka
genkhawm ua, nitak kikhawpna
present ding ka zikzo thim ta a,
nitak a South Asia te present ding
paper final ka bawl lai un, Dr. Luis
a hung a, ka present dinguh kha a en
veng veng a, Mrs. Kampu'n present
bawl hen ahung ti daih a, zie phat
chun paucham khawmna ka nei ua,
ka lawite cheng in "all the best" ei
tiu a, bang present dingle helo in ka
room ah ka chieh a, pauchamna ka
va nei ngal hi. Zie zawh chun point
nga ka zik tha a, nitak in South
Asia region a hun sap phat un, ka
lawite cheng tawh mi masang ah
ka ding ua microphone ka lawiten
ei hun pieu a Lalpa nasep khenkhat
India leh North East a tungte, kenle
khawvel pumpi a lawiupate masang
ah ka hun genlang hi.

Ei haw hi, bangmah loin kingai
leu hingle, Lapan ei mang in,
a chanchinpha phuonzakna ah
ei mang ut mah mah ahi tih aki
chien hi. India mi vak hih hile ana
pha mah mah ahi, chanchinpha
thezakna tawh kisaiin.

Zalen takin, South Asia, muntin ah
I zin viel thei ua, Sorkar, Kristien
dodal leh tribalte deihsaklo,
Lalpa'n hun tungding mahleh, lauh
loh ding, hangsan tak leh taima tak
a, AThu phuon zel ding ahih dan,
ka report na achun a hung kilang
zung zung hi. Khawmpi ni tawpni a
report ka piek laiin, zie Bible chang
hawhah a hung kilang hi:

Transform World 2020 Global Leadership Summit VI 2017 Guayaquil, Ecuador Report



Mrs. Hawiphah, Guwahati

Theme: “The Church: Christ’s Agent of Spiritual and Social Transformation.”

(Sapchuom: Krista Palai)

Date : Oct 31- November 3, 2017

Venue : Oro Verde Hotel, Guayaquil, Ecuador, (South America)

TW2020 Global Leadership Summit a Lalpa mapuihna zala ka pan theih ziekin, Amin ka pakchhai! TW2020 hi ka pan a nihveina ahih ban ah, taksa leh thagau lam an eichawm mah mah in ka hei. Tuchung a ka lawipa Pastor Kampu a pantheihloh ding ziek in, kei bek ka chieh phana ka tia Lalpa eipuihna le hi a ka het ziek in, sum leh pai leh hun leh phat tampi lut himahleh kava pang ham ham hi.

Tuchung khawmpi ahin Asia lam, Middle east lam le mi akitam puoi. Latin America leh North America lamte haw chu a tam ui. Mi 189 vel a ki registered a, a khuonei hung pangte tawh mi 220 lak vel chuh akihi zing hi, gam 38 apatin palai a kichiekhawm hi.

Khawmpi ahin Pathien hona (worship), research, report leh

pauchapna aki hahbawl hi. A nikhatna chu, Challenge thupi chuom chuom sagih in akikken a, kei le Celebration (pauchamna lam deuh) Challenge lak ah ka tel a, kei uh group chuh mi giet chauh ka hui. A ni nih ni chuh Sphere Thupi sagih in a kikhen kit a kei Education Sphere (Thiemzilna) ah ka tel a, mi sawmni vel ka hui. A nithum ni chun gambung chuom chuom in akikhen kit a holimna leh thukikumkhawmna nasa takin a kibawl hi.

Kei uh Region South Asia chuh, mi gup chauh ka hui. Tuchung chuh Pakistan, Sri Lanka, Bangladesh, Bhutan, Nepal, Afghanistan, tih haw mi khatle a hung tel thei puou. Zie gambung chuom chuom holimna ahin Transformation (Kithenlamdanna) bangguola I

TUKUM KRISTMAS LEH KUMTHAK 2018 BANGTIN NA MANG DIE?



Rev. T. Kampu
Guwahati

Pathien Lungsietna vangin tukum Kristmas leh Kumthak mangthei dinga kinepna lientak I nei ui. Phatak a mangchiet thei tei dingin Pathien vangsakna leh deihsakna kahun ngetsak hi.

Bangtia mat ding ahim tih dawtna hi dawtna pawimawh tak ahi. Bangziek a zie HUN haw hi mat ahim tih I dawn theih chun a matding dan dik le het theih ahi ngal hi.

1. Suohlam Michingte Matdan:

Isu, Lengte leng, ahihna aheu a, tichun, Amah Ho/chibai buk utna anei ui.

Nausen Isu chu, Leng ahihna leh Pathien ahihna ahe chien ua, tichun, Amah amuh masang sieh a hawl ui. Chun, a puitu Aksi (Kisimna 24:17) lamdang deuh khatin apui zel a, tichun, Aksi chu nausen Isu chung ah ading taa, tichun, akipak mahmah tau hi. A hawlte chun amu ngei ua,

Aksi puiha puihna changte chu ahamphai. Isu mute, tuokte chu kipahna gensen louh kipahna anei ui, chun, thil piek lulpen tawh Isu ho/chaibai aki lawm him hi.

Zakdah um kasak mahmah khat chuh, lunggil Pathien ading in ka piei tia gen, mahleh asumlepai, neihlelam pie ngam lote khu, mak leh lungdawn um tak ahiu hi.

Pathien hodan diktak chu, A Pathien hihna ziek mawngmawng (who He is) a ho hi ahi.

2. Leng Herod Matdan:

Leng dang khat pien thu, Herod in ahethphet chun alung ahung zing ta mahmah a. Tichun, zie

Leng nausen hungpien chu, a thah theihna ding, lampi ahung hawl pan tai.

Nausen, Leng Isu thah khawm teiteina lampi amuh dawkh chu naupang kum nih nuoi athak athih lawhtai.

Isu, Lalpen ahih louhna dingin, bang lemguotna, Herod guol I nei kha sek um?

3. Van Sawlchakte Matdan:

Pathien van sawlchakte mangin, zan khanglaitak in, belam chingte kawm ah a hung kilak hi. Chun, Isu, Lalpa, Hukdampa apien thu aphuong ui. Chun zie Hukdampa ahung pien ngei hettheihna dingin melchikna, tiemtehna le apie ngal hi. Zie kipahna THU hi mi chengcheng ading ahih zie chientak in a gen hi. Zie thu lopi tak phuon dawka um hi, a-taksang ua, tichun, kintak in achieh ua, nausen gan ankuong a um chuh amu tau hi. Amuh zawh un zie chanchin kipak um hi, muntin ah agen sawn ui. Luk 2:17 (widely made known NKJV).

4. Simeon leh Anna Matdan: Luke 2:21-38

Simeon in, Pathien hun tiem chu

angak tu'ntu'n a, tichun nausen Isu chu a khut ngei a a pawm theihna ding hun ahung tunga, "Na hukdamna, mitin muh a na siem khah, ka mit in a mu ta ie." tin Pathien chung ah kipah thu agen thei hi.

Anna thagau mi mahmah chu Pathien Hoin a asun azan a um, anngawl a paucham mi Simeon in, nausen Isu a pawmlai tak chu a va tuok kha a, kipak mahmah kawm in zie Chanchinpha chu atangko pih hi.

5. Nangleh Kei Matdan...???

1) Isu Krista pienni hi Pienthakni Pathien muh ni, Pathien tawh kituokna lopitak atun ni ahi. Nicheng a Isu tawh kipawl na, Amah mel muh nawp zingna hi apawimawh takzet hi. Nicheng hi Isu Leng dinga I lunggil a apien zing zel ding ahi.

2) Zie Chanchinpha, hukdampa mitin adinga ahung pien thu miten aheth theihna dingin, innveng, lawileguol, Krista ana pawm nailote haw, sapkhawm a annak pih

Thingpi dawnpih a, Kristmas meaning chawmcha bukim deuh gendawk ding ahi.

akin" tin lunggil kipak mah mah in a phuok ahi.

Zie thu haw apan hin, nangle nang ana ki-en zel in aw.

II. BELAMPU TE

Bible ah, 'Belampu te'tih hi mun tamtak ah a kilanga;

- (a) 'Abel' belampu ahi. (Gen. 4:2)
- (b) 'Lot' belampu ahi. (Gen. 13:5)
- (c) 'Laban' (Rachel pa) belampu ahi. (Gen. 29:9)
- (d) 'Joseph' belampu ahi. (Gen. 37:2)
- (e) 'Jacob' belampu ahi. (Gen. 46:32)
- (f) 'Mosie' belampu ahi. (Exodus 2:17)
- (g) 'Jessi' belampu ahi. (1 Samuel 16:11)
- (h) 'David' belampu ahi. (1 Samuel 17:20)

BC 4 vela (Krista pien huna) 'Belampu te' hile mi nuoinung, mi gimthei, mi kingainiem te, gamnuoi a giek sek te ahiu.

Mahleh, Pathien in A chapa, Krista chanchin phuondawkh dingin, a tel a, a guot ana hi.

Bangzieka mipil, mithiem, mihausa te hawhi, Bible in a uor loh a?

Aziek chuh, Lalpa lunggil bangpu mi; Mari te, Joseph te, Belampu te haw, A chapa thisan pawm a, gingcha tapouh te a ding leh A thupiek lau a, zui te adinga Vangam hi guot ana hih ziekin.

Christmas hahpia mang ngal, 'Pathien aw' helo te:

- (1) Thiempu lien Anna
 - (2) Thiempu lien Kaipha te
 - (3) Sanhedrin member te
 - (4) Galili gam lal Herod te
 - (5) Governor Pilate
 - (6) A sinsak, Juda Iscariot te ahiu.
- Unau, nangle na telkha die, ki-veng in.

pien thu Vansawlchak te'n
ava hihna mun u chu. (Tunle,
Bethlehem mun, atak taka va
mute'n agen sek ui)

(c) Belampute thupi dan, san
dan, laphuok te'n tihin ana
phuok ui;

KL. No. 53- Zan khanglai a
thawm hung gi chu... (2) Belam
chingte'n lopi amuu... tihte.

LLK No. 18, (Upa Rokiang) –
“Aw Bethlehem ka hun ngai hi”
Belampu te giekna, Serefimte
zaila sakna, Ka Lal pienna mun
ahi” tin ana phuok hiel ahi.

Pu Saidailova: “Lal pien ni muol
aliemsa, a hung vak kit tai, Muh
ka nuom sing khuol lun ah, van
Lalcha hung pieng chu”

(d) Belampute chu = Pathien
deihchuom te (A telte ahiu).

Belampute chu = Hukdamna
dak git he masapen te ahiu.

Belampute chu = Khawvel muh
in niem mah leu, Van Lal mit ah,
mi sang leh deih um

te ahiu.

Belampute chu = Pathien hehpih
tak, kingainiem te ahiu.

Belampute chu = Pathien
thupiek, ngaikhawka taihpih
zieng te ahiu.

Belampute chu = Mi ginum,
hukdam thu vawpsak tak te ahiu.

Belampute chu = Niem mah leu,
mi kipak te ahiu hi.

Belampute chu = Lal Krista,
mihinga A hung pien mu
masapen te ahiu.

Zil ding:

Unau! Belampute hi a thupiu in,
ngaihsan aum u ie!!

Tukum Kristmas hungtung dingte
hi, belampute guola lunggil
kingainiem a, thupiek ngaikhawk
a, phuong zak meng meng dingin
Lalpa'n ei deih in ei sawl ahi,
tih ngaihtuoh zing pumin mang
dingin ka hun chiel ahi.

Lalpa chu Belampute kawm ah,
a kilak. (Luke 2:10)

Lalpa lopina'n, belampute kawm
a salhvak.

Lalpa aw'n, laulo dingin a hilh.

Van mipi'n, belampute kiengah,
lapawl a sau. (Luke 2:14)

Belampute hi athupina lawm law
u e maw!

Pu Zasiama: “Lei ah alopang
van Lal bera chu, Angel in an
chawimawi, lawm hla ropui

3) Christmas thilpiek, Bible,
Cards, thilpiek chuomchuom
piek ding.

4) Gimthei liengvaite panpih
ding.

5) Isu zie khovel a ahung
lawhna pen, ahung pienna ziek,
gendawk, hinpih (live out) ding,

6) Zie Chanchinpha hi hangsan
leh chingthei taka, tangphuon
taka/proclaim bawl ding ahi.

7) Kristmas matdan hawihpen
lak a khat chu, Lal Isu a
lenghihna/kingship aneih
dingdan tak neihsak ding,

8) Zie Chamna Lengchapa
ziek a kichamna hinkhuo nei a,
mi dangte kawm ah kichamna
thu hilh sawn ding. Adiek in Isu
ah Pathien tawh kichamna amuh
theihna ding un.

Thukhakna:

Kristmas meaning diktak chu,
mitin in Pathien a muh ut
mahmah ua, mahleh zie muh
theih lo Pa chu Isu Krista zaql
in muh theih in mihiem taksa
phehlevo mel pun ahung pieng
tai. John 1:14, 18.

Isu chu mihiem hihna bukim
nei, mahleh, gitlohna himhim
neilo mihing taksa nei; Pathien
hihna bukim nei zing pumin
ahung pieng hi.

Zie banga Pathien lopi leh
zahum chu, kingainiem takin
mihiem in ahung pieng a, chun,
thih tieng a Pa thu awi-in Kross
tieng gei tung in ahinna ahung
pie tai.

Pathien in mimangthaite ahung
hawl dan, belam za lak a khat
mang ahawl bangin ahung hawl
dawk pan tai. Thihna thim nuoi
a chute laka kinepna, Vak lopi
tak ahung eng pan tai.

Kipahna thu kichamna thu
lopitak phuon leh hetsak hun
ahi.

Zie Thu lopitak hechiente chun,
zie HUN lultak mat dingdan,
Hinpih ding dan Thagau
Thiengtho in A Thu Bible
mangin ahilh in, apui zelsek hi.

Kristmas mang dikte chun, Kum
thak matdingdan le ahe zel ui.
Krista Salhvakna changte chun,
thimlak a umte ahung pawtna
dinguh angai khawk ui.

Chanchinpha hi Chanchinpha
ahi chauh hi, AHUN TAK A A
TUNNA DINGTE KAWM A
ATUN CHAUH CHUN.

Krista Lal hihna pie zingte

ading chun, Kum thak 2018 hi
lungkhampih angai ta puoi.

Simtute cheng KRISTMAS
CHIBAI, MAT NUOM. CHUN,
KUMTHAK CHIBAI!

LALPA ISU KRISTA THUTHUN/KHANGGUI



- Evan. (Retd.) Lamzagin

Lalpa Isu Krista hung pienna
Khanggui/Thuthun hi I
phatchuompih/I hetchet diek ka
nawp ziekin, anuoi a thu haw hi
vak en hitiu. Mi khendan le hilo
maithai ahi. Thuthun/Khanggui
sawng khat apat li chan in vak
khen hitiu.

Bible Changtel:

> Johan 1:1-3 “A tûngin
Thu a um a, Thu chuh Pathien
kawmah a um, Thu chuh
Pathien ahi. Thu mah chuh a
tûngin Pathien kawmah a um
hi. Thil cheng cheng, a bawnin
amah siem a hii; thil kisiem
chengcheng hi amah siem loh
bangmah a um puoi.”

> Thuphuon 1:8 “Kei a Bul
leh a Tawp chuh ka hi,” Lalpa

Pathien, A umlai tak leh um sapa
leh, hung um ding pa, Bangakai
hihtheipa chun a tih ahi.”

> Sam 90: 1 & 2 “Lalpa,
nang chuh suon chengcheng
chana ka um nau na hi a, Tangte
pien ma a, Leichung khawvel
na phuhdawk man le, Kumsawt
apat kumsawt chan inle nang
chuh Pathien na hi.”

**THUTHUN/KHANGGUI
SAWNG KHATNA – ADAM
APT ABRAHAM CHAN
(THILSIEMBUL 5:1-31;
11:10-26):**

Pathien in Adam a siem a, Adam
in Seth ahing a; Seth in Enos
ahin a; Enos in Mahalel ahing a,
Mahalel in Enok ahing a: Enok
in Mathusel ahing a; Mathusel in

a len theihna ding leh van leh lei
kikal a kichamna aum theihna
dingin, I Lal Isu, kingainiem tak
in, Bethlehem gan-in ah ahun
pieng ahi. Kingaihsanna lam
sangin ki ngaihniemna lam ah

kichamna aum thei zawi tih ei
muh sak hi. Zieziekchun, mi dang
tawh I kicham theihna ding in ei
mau lam chiet ki enmasai tiu.

2017 Kristman ah, Chamna leng
hen!

BELAM PUTE



Evan. L. Minthang

“Lau kiu inla, ngaiun, mitin a dinga Chanchin Pha kipah-um mah mah
ka hun puoksak na hui hi! Tuni hin nanguh dingin David khawpi ah
Hukdampa chuh a pieng tai, Lal Krista chuh! (Luke 2:10-11)

Thuthunlui (OT) a Pathien Aw,
kum 4 sung athip ving veng
nunga – Thuthunthak (NT) huna,
Lalpa, ‘Pathien Aw’ hung gi
masapen chu, zie bung leh chang
hi ana hi.

Bible pumpi a thu pawimawh
pen, kipah umpen, ngaihnaup
umpen, leh ‘Suohchakna Aw’
chu ahi.

I. **BELAMPU TE:-** Krista
pienglo dinga, Setan in mun 400
lam hiela, ana dal nungin, Pathien
lunggil leh thil hihtheihna a nan
(dal) guol loh chu mun 109 a
hilh-lawk ahih nungin David
khawpi, Bethlehem ah “Atak”

ahung chan tak ziekin, Lalpa
chu, pahchak in um ta hen.

(a) Belampute hi mi nuoinung,
mite muhsit leh tawhniem.
Khawvel Court nasan inle a
thulak loh khawp ua niem ana
hui hi. Mahleh, zie ‘Suohchakna
Aw’ thu kipah umpen hi
Pathien in, A thupuotu (Special
Messenger), ‘Gabriel’ sawla A
na phuondawkna masapen chu,
belampute kawm khel khel ana
hih hi, athupi’n, asang mah mah
ahi.

(b) Bethlehem apat gamla
lo ah, ‘Belampute Gam’
(Shepherds Field) kit hi aum a,
zie mun ngei hi ahi Lal Krista

Mihing in I damsunga I mamawh pen pen te laka khat chuh ‘CHAMNA’ ahi. Khawvel a gam bung chuom chuom te kigawmkhawm in U.N.O. a phutdawkh ua, aziek ahih leh CHAMNA aum theihna ding leh khawvel a cham-thu a len theihna ding ahi. Chamna leh muonna aum na gam phawt phawt hi gam nuom ahi mai hi. CHAMNA um louhna gam phawt phawt chu muonna umlo, lungkhamna leh gimtheihna ahi zieng hi.

I Lalpau Isu pien in Lalpa Vansawlchak belam chingte kawm ah, a kilak a, Isu pien thu a hilh tau a, a zawh in Van Lapawl hawih tak mai, “Chungnungpen ah Pathien lopi tak in um hen, lei chung a kipahna mah mah mihiem te kawm ah Chamna-thu leng hen.” tin la a hun satau hi (Luke 2:14)

Mi neizo deuh ten chapa/chanu melhawihtak ahun neih niu leh thupi tak in lawm in kipak in la te sau in tin, himahleh I Lalpau Isu pien lai tak hin chu kuoman a lawm puou a, Joseph leh Mari zieng inle a kipah pih ding leh a lawm a, music te bawla la sa

ding anei puou a, himahleh, zietawbang dinmun a a din lai un mihingte lasak sanga hawih zaw leh lopi zaw Van Lapawl a hung kisa zaw ta ahi. Hallelujah! Kristmas boruok a I um lai leh Kristmas I matnau ah hin, Van mite lasak hi I thiltup u leh, I neih uh hileh deih aum mah mah hi.

“Cham thu leng hen”

- (a) Insunga gitlouna leh kiphinna aum sek zieka, tu leh cha te tawh kituok thei talo a umte kawm ah, “Cham-thu leng hen!”
- (b) Khawpi a chengte, In kinaih takluot zieka gamgi kineth tuoh a, a hihloh leh hawktui luonglut theilo te kawm ah, “Cham-thu leng hen!”
- (c) Party chuom chuom, sapchuom chuom chuom (organisation) dangte tawh kimil theihlouna haw lakah, “Chamna-thu leng hen!”
- (d) Khawsung, veng sung leh nungak, tangval lak ah, “Chamna-thu leng hen!”
- (e) Khawvel gam bung chuom chuom te kal ah, “Chamna-thu leng hen!”

Zie haw cheng chenga ‘Chamthu’

Lamek ahing a; Lamek in Noah ahing a; Noah in Shem ahing a; Shem in Arphasad ahing a; Arphasak ahin a; Arphasad in Sehlahd ahing a; Shelad in Eber ahing a; Eber in Peleg ahing a; Peleg in reu ahing a; Reu in Serug ahing a; Serug in Nahor ahing a; Nahor in Tera ahin a; Tera’n Abraham, Nahor leh haran ahing hi.

THUTHUN/KHANGGUI SAWNGNIHNA-ABRAHAM APAT DAVID (Matt. 1:2-6)

Abraham in isak ahin a; isak in Jakob ahing a; Jakob in Juda leh asuohpihte ahin a; Juda in Tamar, Perez leh Jera ahin a; Perz in Edom ahin a; Edom in Aram ahing a; Aram in Amidabad ahing a; Amidabad in nahson ahing a; Nahson in Salmon ahing a; Salmon in Rahab tawh Boaz ahing a; Boaz in Ruth tawh Obed ahing a; Obed in Jessai ahing a; Jessai in Leng David ahing hi.

THUTHUN/KHANGGUI SAWNG THUMNA – BABULONSUKAPUIHTUNG LEH PUIHLAI (Matt. 1:7-11)

David in Uria zi apat in Solomon ahing a; Solomon in Rehoboam

ahing a; Rehoboam in Abizah ahing a; Abizah in Asa ahing a; Asa in Jehoshaphat ahing a; Jehoshaphat in Joram ahing a; Joram in Uzie ahing a; Uzia in Jotham ahing a; Jotham in Ahaz ahing a; Ahaz in Hezekia ahing a; Hezekia in Manasi ahing a; Manisi in Amon ahing a; Amon in Josia ahing a; Babulon suok a puihlai vel in Josia in Jekonia leh a suohpihte ahing hi.

THUTHUN/KHANGGUI SANWG LINA – BABULON SUOK A PUIH NUNG (Matt. 12:12-16)

Jekonia in Salathiel ahing a; Salathiel in Jerubabel ahing a; Jerubabel in Abiud ahing a; Abiud in Eleakim ahing a; Eleakim in Azor ahing a; Azor in Sadok ahing a; Sadok in Akim ahing a; Akim in Eliud ahing a; Eliud in Eleazer ahing a; Eleazer in Mathan ahing a; Mathian in Jakob ahing a; Jakob in Josheph, Mari pasal chu ahing a; zie Mari sung ahin Isu Krista, Hukdampa chuh ahung pieng hi.

> **Luke 1:26&27, 30 & 31, 35** “Chun, a tha gupna achun Pathien in, vânsâwlchâk Gabriel chuh Galili gama khuo khat,

Nazareth kiti achun nungak thiengtho khat kawmah a sawl a. Amah chuh, leng David suona mi khat, Joseph kiti tawh kihuol lai ahi a, zie nungak min chuh Mari ahi. Vânsâwlchâk chun a kawmah, “Mari, lau ki’n, Pathien deihchuom na hi. Ngai ah, gai in na tin, chapa hun nei inla, a min dingin ISU na sak ding ahi. (Luk 1:30-31) Vânsâwlchâk chun a dâwng a, a kawmah, “Thagau Thiengtho na chungah hungtung intin, Pathien thilhih theihna chuh na chungah um intin, zieziekchun, nau thiengtho hung pieng ding chule Pathien Chapa ti’n au.”

Isai 9:6 “Ei u dingin naupang a hung pieng a, Chapa piek in I um tau a! Vaihawmna chuh a liengko ah um intin; Amin chuh “Mak, Lemguottu, Pathien Hat, Kumsawt Pa, Chamna Lal Cha,” tih hi ding ahi ngâla.”

> Luke 2:10 “Himahleh, vânsâwlchâk chun a kawm u ah, “Lau kiu inla, ngaiun, mitin a dinga Chanchin Pha kipah-um mah mah ka hun puoksak na hui hi!””

Lalpa’n asimte cheng vangsak ta hen.

Awle, unau deih um, Lalpa Isu hungpieng hi zawlnei tamtak ten

ana gen lawk takbang un, adik ngei ahih ei na hilgh chien ui.

Ei u dingin naupang a hung pieng a, Chapa piek in I um tau a! Vaihawmna chuh a liengko ah um intin; Amin chuh “Mak, Lemguottu, Pathien Hat, Kumsawt Pa, Chamna Lal Cha,” tih hi ding ahi ngâla. (Isa 9:6)

Zie hi khawvel hukdampa leh kei leh nang ei hukdampa chuh ai ngala. Amin zieng hile alopín, athupin, amak ai.

“Lau kiu inla, ngaiun, mitin a dinga Chanchin Pha kipah-um mah mah ka hun puoksak na hui hi! (Luk 2:10). Zie Chanchinpha chuh A chapa, Isu Krista ei piek hi ahi.

Ei u din naupang ahung pieng a Chapa piek in I um tau hi. (John 3:16)

Tunihin/tuhin nang leh kei adin David khawpi ah I hukdampa ana pieng tai, Lal Krista chuh, tuni hin, mitin dinga hukdampa hung pieng ta hi nang na hukdampan na kipawm tam? (John 3:16). Pathien in ei lungsiet zieka A chapa ei piek hi, na hukdampa a nakipawm nailoh chun,

CHAMNA THU LENG HEN, TIN LA A SAU

- P. Suona
Youth Promotor

Pathien venna zal in tukum 2017 Kristmas mangthei dingin I um kittau a muntin, gam tin a Chamna Aw simtu te cheng cheng Kristmas chibai ka hun buk hi.

Achunga thupi I vak gen u hi, Lal Isu pien lai taka van a mipi te haw a hung kilang ua, la a hun sak uh ahi. (St. Luke 2:14)

Zie thupi mang hin saulo cha holimna vak nei hi tiu.

Pathien in mihiem a siem lai in nuom tak leh kituok tak in hun bang chan ahim tak chu ana mang khawm ua, hilele, mihiemte suol in a hung puk tau a, zie tak a pan chun Pathien leh mihiem kal ah kimelmakna ahung um a, Pathien tawh kicham talo ahung hitau hi (Gen. 3:1-21). Zieziekchun, tuni tieng a khawvel a mi cheng cheng, nang leh kei le migilo, Pathien tawh kichamlo I hung suok tau ahi (Rome 5:18).

Thiemgau Isai in Chamna a len dingdan a mulawk a, hitihin a zik

hi, Isai 11: 6-9: Chun, ngei te chuh belamno te tawh takhawm tau untin, keite chule kelnote tawh an ne khawm tau intin, bâwngno leh sakeibaknei vanglai leh gan vak thau te chuh takhawm tau un tin, naupang neucha’n le amau haw chuh pui ina. Chun, bâwng leh savawm takhawm un tin, a noteu chuh bawkkhawm dim diem ta’n au; chun, sakeibaknei chun bâwngchal guolin buhpawl ne ta’n a. Chun, nausen nawichep laite chuh gûl gu nei kawmah kichiem un tin, suknat in um diek puo’n au. Ka tâng thiengtho achun kisuknatna himhim um ta puo’n tin; kisuksiet le um ta puo’n a; tui haw hin tuisuohgiet a khuh zing bang hin, leichung hi Lalpa hetna chun dim suok vek ding ahi.

Pauchamna dawng Pa'n A dawn ni khan kuoa kipaklo um – na thih ni khan. Na keng vuma tuithi pawtin na tawhna lam lam a chap chek zieng leh na natna ziek a na hu uih taluo a, na in chung zawn a mulukawlh hawn a len sau sau thu haw kha Jerusalem leh Bethlehem vela mipiet kipahna ahi. Na in compound sunga Sangsa awi a hama kipak khan Judate chauh ei puou, na suokte a tamzaw khale akipak ui. Khatvei tuisa laka ahun dieh ua, na thihngilh khan le, a kipah ziek un a ki-entuoh ua, a nui man ui. Jordan luipang pilnel sa laka na kibuola na thihngilh ni khan le.

Kuomah a hun it aum puoi tih na het phet bek khan nakisiempha leh chin maw! Nang la, kisiemphat malakin, na thih nia thah dingin mihiem 200 hiel hiel suongkul ah na khum a, na makpa Aleksi leh na suohpihnu Salome kawm ah, “Ka thih thih leh zie a mihiem hawhi that unla, nam pumpi kap le maua aum tieng ka thih thu gendawk chauh un, kei ei ita kap abatna ding un” ti’n thu na pie nalai set a. na thihni khan bangmah cha a hih ta puou

ti h tu kipakum hi gawtmun a mei kuongin sazaw em a ahun emna achun, ana he tei tei in aw Lengpa.

Dangchak phathei lo gawtmun mei in na zudawn sek guola, a hun dawnna nausen haw chung a na nunsiet guola, diemlo hiel ahun kak phet hi, “Ka nu sunga ka kisiem hun chu hansie dawlin um henla, kumte, thate, nite leh hun him him kisiemna lak ah simtel hi kihen la; zie hun chu hun thawmhau suok henla, kipahna thawm him him he dah henla, ka nu sul kawtkhak a khan than thimin eina valh zo leh” ti ta’n la. Leng Herod, na kisik vaigei tai, a kikhel tai!!

Na het khelh ziek ahi. Gilpi vakna ding Pathien nasem, thiempu Ana sang khan, Belam ching te leh michingte guol khan, angelte leh Van aksi kha ana taksang zaw lehchin maw? Kristmas masapen ana mang khiel lo ding hi vechin.

Herod guola I mat khelh lohna dingun, eiun le Van lam apat kaihuoia, Thagau Thiengtho kaihuoia ngei chu I mamawh ui.

Kristmas na mat chuh nang adin aphachuompuoi.

Ephesi 2:8 “Taksanna zieka, lungsietna a hukdam na hi tau hi; zie chule nangmau a pawt ahi puoh a, Pathien thilpiek ahi”

Awle, unau deihtak, Pathien in a thawn lieu lieu a A chapa ahun piek hi, kilakinla pawm mai leh chin Kristmas mang dik pen

himai ding na hi. Pathien in tun a ti (2 Korinth 3:2). Ngaitiem u, tu hi apawm hun chuh ahi. Awlin pawm in a tipuo a, “Tu hinpawm in.” ati. Tukum Kristmas hun ahin Lalpa Isu Krista chuh Lal leh na hukdampa dingin ana kipawm/ ana kineih tan, a kikhelnai puoi, ahun laitak ahi.

Lalpa’n athu vangsak ta hen.

“BETHLEHEM” (CHANGTHAK IN)

Mathai 2: 6

Pastor Th Mawia

Biel Superintendent, Tuilanguol

Bil anih langtuoka himchak keia mitsinsa a, Kêk lawm lawm hi aw, angeih theih theih tawh, tih lai hun haw leh, Keng ngawng tieng tienga buonthuok lak pal nawk nawk lai hun haw khah zanmang abang ta a. Chavang nino a, thingnah âng hui hieu haw laka, vacha chitin ten, zat chuom chuom in, aw asuoh kit tau ui. Zie hun haw ahungton zet tieng hile chuh Thiemgaute leh Laphuok thiem ten kum zatamtak umthim theiloa ana ihmud mawhpih uh I Lalpau Isu pien champha

ahung naih ta a, Pu Saidailo in, “Bethlehem tang ngaih chulnung pakbangin alun ie”; tia ana awih vang vang haw lunggila ahunglut tieng, ngui taka um tate haw aphawng halh thak kita, Amin vakgen mai hinle, annak asulim chuom mahmah hi. Gingtute lunggil a chulsek, chulden theilo a thakzel chu Bethlehem hi ahi.

Zie Bethlehem “Changthak In” hi hetngilh theihloh, pawimawh tak leh ngaihsan aum nachuh, Ipu’u Jacob in lawh khelh leh lawh khak

kizah zela kum sawm leh li (14) hiel Belam chin a alawh dawk, azi Rachel nauchunga thi avuih na munkha ahi.(Thilsiembul 29:27. 35:19). Lalpa tel ngei, David in Belam ana chinna gam leh Israel te Leng dinga thaunuha aum na mun ahi (1 samuel 16:11-13), Van Lalchapa champi satdinga ahungtuol kum laia, Van mipi choir simsenloh ten naulawp nala ahung sak namun uh ahi(Luke 2 : 13). Mipil pen Aksi chanchin suite leh Mi niempen Belam chingte dinmun kibanga gankuong bula aum namun uh ahi. Nausen tamtak maltal (Martyr) a athih namun uh ahi. (Jere 31: 15) Zie hawziek achuh amin vakgen mai hinle asunga thil umte haw ziek in ilung uh asukha a, lamdika eipui zo ahi.

Bethlehem hi asunga thil aumzieka awhchakum leh ngaihsanum ahi. Himahleh, athil tuok hawhi ahuoi siethei taluoi, Acha deih lai tak teu, huihmut dingale apha loh uh, Chemzama sat a, thisan kai neu noua tiengcha a sut letsak zawt zawt ahiu ui.himahleh taisie mailoa thip beka thuoka,

phuba laloe,thuok tun tun chu adin mun uh himai ahi. Zieguol chun Krista pien na mitechu, ngaihsan umtak leh ettawn tak takin ahing ua, haksatna leh bawlsiet nahaw athuok laiunle, lunglien taka uma phuba lamailo in, adin mun ziek ua thuok ahih aheua, phunlo in dawhthei tak in athuok muol suoh sek ui.(Former Excutive Secrytary, Rev. Khaigin in “Phubalak leh migensiet ka hinna tawh akituok puoi” tin ana gen hi).

Bethlehem “Changthak In” a Lal Isu Hinna Changthak, (Johan 6: 35). ahungpien chuh ahi dinghim ahi. Mahleh, Pathien lemguot le hingei intin, tuhin Israel Solkal in Bethlehem khawpi hi, PLO (Arab Sawlkal) te a awt dawk taua, anuom cheng lunghel kawmtak a lut theih ahi ta puoi. Zie Lei Bethlehem hi mit in vamutheitalo mahleuhing ,Lunggil a Lal Isu pien na michu Bethlehem ahi mai hi. Zie mite chuh, miten pawl nuom asau a, achanchin mitampi’n kisiem phat na’n amangsek ui.

Lalpa alungdam loh leh Bethlehem ale zahhuoi tak taka kiel tung thei ahi. Israel gama

ve. Zietak a nu khu vak en tie, Lengpa, sam bak niuneua, tawilo hiela a etna ngal en en zieng nu khuh. Meithai ahi a, a pasal mela a muh a chapa neihsun uh na thahsak ei ve!! En tie, deih tin thuompa, vak en mawng manwg tie. A vak pawma, nawi a vak chepsak guo a, bang lawh lele achep thei ta puoi.

A hin lawp takin a vak lawp sek a, mangbatna huoisiet takluot ziekin!! Kanan phai zawla suonpak hawih na thiek tam na e Lengpa, neukhat bek hihval deuh na kisa puom? Mihing tihloh in Sinai tanga suongpi haw khun le na nunsiet zie hi muthei leu mittui in luong kang zo tan au...!! Aw, Leng Herod, na che khiel deuh hilo maw?

Vannuoi nam tinin na nunsietna lapi latea ka awih u hi mak nasa, na kiawi em, “Leng Herod in a het in a lungzin pih a, Chibai bukna huoisie pie ding in....” ka tih sek u hih? Nang guola hekhiel lo ding leh hihkhiel lo dinga ka kihilhnaui ei ve, zadah ki’n. Tawbang lawm lawma pieng fuh mihing khawvel leh mithi khawvel a minsiepen leh gimtheipen na hung hih

mai hi kuo na ngawh die? Aleh aw.. zie Nausen Mak that dinga tuonthangmanga Thagau khawvela tuolgal suoksakpa kha mihing mel-lepang pua hung pieng masa na hi hiel em, zinglam chapa Lucifer ngei kha.

Aigupta te’n Israelte kha, “Phak nam ahiu a, I lengpau, Pharaoh in a nawhdawk ahiu ui” tia pupa thuguichina nei hiela Israelte a muhsitna cheng cheng uh sawt tak Heliopolis ah Nausen Mak hin A vathuok hi, nang ziek lieu lieu in. Herod, nang hun lau in Aigupta lam ah, a zan zan in, a tai ngal ua (Mat 2:13-15). “Lei lalte’n Amah do mahleu le, kei chu ka Lal deih, ka lunglai nempen.....” Katih cheng u leh nang guola hih khelh ding lauhum zie ka hedawk sek ui.

Thagau khawvel mai ah hilou in mihing khawvel ngei ahin le na tuok loh dingpi na tuok lawh tai. Na naupang thah haw, luongmuot ma ngeiin nang mah ngei le, Leng Herod, thanmuol ah na liemta ngal a. Israel mipite na thahna ding ngen a, sun leh zan a a paucham sek u khah awimawh kiin, hethiem hamin.

khenkhat chu a nunglam apat tiengcha'n a sunlet ua, a tiengcha lek ua ha, van lam nga'n kap sek sekin tiengcha lek ah a kithil ua, na sepaihte'n a tiengchau chu hah pin a vak thing ua, gamla tak tak a sep zieng ui; a nuteu in kap pum in a delh ua, 'talawm lawm an, bawi.. bawi..' a tiu a, hah pawm pawm in a pawm ua, bangmah a phachuom ta puoi!! Pathien siema numeite cha it dan hi vak ngaihtuoh tie bangti phetin a it ding um!! Tiengcha sutna a a chateu thisan hung kikhawh dawk zet zet chu a muh tieng u leh na sataluo leh thuoklah taluon a kiuzak ua, Van lam en in a kap ua; na sepaihte anuihza thei mah mah nalaiset ua. Naupang khenkhat a guolteu tawh kichiem lai poh a va man ua, a nu a pateu in, "Kum nih val ei tai, bangmah lawh kiu in, kum nih val ei tai." Ti tun tun leu le a zandawk ua, a keng kawp ua man in, suong khetna'n a nei ua; khenkhat chu a ipmu lai a sunlum den ua, a puonphah ua a thisan u leh a thuok uh bek niuneu in a kisai sel sel ui!! Khenkhat a nuteu nawichep lai bang a vak sunlum den ua, agawl dang u

apat a lusip uh zuonin, a nuteu puokna chung ah, tiengchan a vak thil let zawt zieng ui. Thisan leh nawitui kituoklo taka kihel zei zai in a luong hi. Lau taluo a kah git teu, nasa taluo a apen git teu hi vak ngaihta tie. Dan mah mah a kha kipaka lawp, tua mithi hita mai, a nuteu a pateu ding in bang tawbang phetin.. nang ma'n kigen zawh tie. Herod, na chetna beksek hi!!! "Rama khuo thawm a heu a, kapte, mithi ngai a mau vawng vawngte, Rachel in a chate a kah a, a um tak loh ziek un a thamun theih puoi" (Mat. 2:17:18) tia Thiemgau in ana genlawkna khah nang ziek in, aw Leng Herod, nang ziek chauh in, aguitung tai!! Naupang khenkhat a nulepa anga kuol lai bang na sepaihte'n a zan dawk ua, a ngawng a bawt tan mawt mawt ui. Nui hawk hawk kawm in!! Ziehaw chu na het phetin nuom nasa mah mah a, na lung a awi-a, hihthei na kisa a, pasal pha leh guolzo kisa takin na um nalaiset a Juda nupite puonak lienpipi san haw khu vak en tie; Aigupta rawng san kinuh ei puoi, a pawmlai uh, a et chim theih loh uh, a chateu thisan bek ei

vaihawm te hunlai chun mitin amau phasak bang chiet in aum ua(vaih...21:25). Vaihawmtan vai ahawm lai un, kiel ahung kie a. Bethlehem aum Juda mikhat Moab(milim hote) gam ah akiel taih hi (Ruth 1:1-5). "Changthak In" a chu nekding kiting taka aum ding ahi.

Himahlele amah phasak dan dan a aumtieng amaha nek ding pawt lo ahi. Eile, Bethlehem, Changthak In ihi ta a, izi leh ichate, Sapchuom miten ei apat in annak khawp amu nau em ? Lalpa lunglam ihawl loh leh An hung tasam in tin, ei apata nek ding amuhloh tieng uleh nekding hawl in, Moab gam ah Zu leh Sa,thil thang huoi tin cheng vabawl untin, tieng chuleh azah huoi chu eimau "Changthak In" (Bethlehem) hi ding ihiu hi. Lei Bethlehem chu Leng Herod leh

PLO ten thisana asukbuok uh ahi ta a, Gintu Bethlehem vang, Lal Isu thisan a zem hawih ahi.

Lei Bethlehem chu huntiem khat daih, kisimpina a min ziklut na ahia, Gintu Bethlehem vang, chatuon daih van hinna changdingte kisimpina a min ziklut na ahi. Zie lei ahin miten bangman eingailo mahleule, Lalpa mitmuh in mineupen ihi puou hi. Hinna channghak neitu, Lal Isu pien na Bethlehem ihih ua, miten ei ngaihnaat ua, ichan chin kigen nachenga mi suthatho a I pan ding uh ahi. I tel loh nau chuh miten hawmvam um asak ua, mite lungthima mun iluoh ding uh ahi. Eiuh apata nekding umloh zieka, mite ataih mang loh ua, thagau gilkiel leh chak ten, ei uh apata nekding amuh theih zing nading un, Lalpa'n simtute cheng cheng vangsak taken.

Evangelical College of theology

M.Th (Missiology) Preliminary Application

ECT hin kum 2018 – 2019 sunga M.Th. (Missiology) programme pan ding ahia a; Online, Email leh mobile phone a contact theih ahi. Website: www.ectindia.com Facebook page: www.facebook.com/ectindia . Call 9612055348. Online application form apply - advance non-refundable deposit of Rs.1000/- before January 20, 2017

Rev. Dr. Lalrosiem Songate
Principal, ECT.



KRISTA PIEN

- Pumkhomang Gangte

Bible ah Kristmas tih aum puo a, Isu pienna hi akizik a, mahleh a ni leh a tha, a kum akizik puoi. Thuthunglui lam achun thil pawimawh khenkhat hi a date akizikna haw le aum hi. Chieh Kan Kut na ding tih haw, Esther haw ale akizik hi. Thuthungthak ahin, ni pawimawh I mat cheng cheng hi a date kizik umlo mahleh athil chuh atak in atung ngei hi tih ginlah um lo hiel in I mui, Krista pien, A thih, A thawhkitna haw hih ahi.

Tuni a Isu pienna hinle ei thagau hinkhuo ahin thil tam tak ei hetdawksak aum a, zie haw chu gen senglo mah leng hiti hin kigen leh;

1. Chungnungpen chuh nuoi nungpen te tawle zawp-mat theihna dinga hung pang in, lei (bridge) in A hung pang a, Amah leh Amah hung kisuniem in, I lem kaih theihna ding un A hung kidawh hi. Na lem/na hawh ta?
2. Nungak thiengtho chuh a hun luoh tai, zie guol chun thagau a tu ahi ei loh ding ahi. aleh luoh nai loh nahi die aw! Krista chenpih loh a, dinmun pawimawh tak tak luoh aum thei hi. La phuok pa'n, "Sapchuom Upa, Pastor leh member lak ah, hinna bu a min chuonglo a tam taluoi." atih hi, a muhdawkna um ngei chuh hin a maw?

3. Mari'n Isu a mansak khan a hawl hawl a, amu kit hi, en mang sak sawt taluo, mu dakw nailo I hi kha dem, kigel phat angai hi.
4. Isu pien date kizik lo mah leh A pieng hi tih chu niel guol loh ahi. Nang ale a pien nak chun, im guol louh a nahinkhuo a hung lang dawh ngei ngei ding ahi.
5. Isu hung pien hi, Pathien in khawvel a hehpih na, a tak tak a A suklatna chuh ahi.
6. Isu hung pienna chuh nang leh kei leibat dit seng loh aman pie dinga A hungna chuh ahi a, nang na thieng ta leh, Amah thawkna zieka a nang na dam chuh A kipah lam ahi.
7. A pienna hih, alopi na chan, kikawppih thiehna dinga ei hung sapna ahi. Sapna aw na za ta?

tih deuh chu, gentleman taka informantion piek leh invitation hun bawl a thuoh uh ahi tih akilang kha la. Khutichu hikileh, bangtin e, "A aksi" a tih ua, ahun nutsieh nunga ua aum dan ding uh Pathien in a manglam ua a hilh ding?

Aw, Leng Herod, na thil hihkhelhna apat hin, na kigen dawh thei puoh him him hi, bangtawbang in panla lehchin le. Belam chingte kha mi nuoinung leh muhsitum tia na thuseh loh lele, suohlam michingte thugen apat bek khan a hun siempa deihlamin na lung gel nuom kha hileh chin maw! Mivantang mah mah, na pa hun apata Lenga na hung pan dan u leh Belam chingte leh Suohlam michingte thugen haw cheng cheng hi a hun siempa'n a nawp leh Amah deiham na hetna ding, na nawploh leh thiemloh na channa ding tia, a hun hilhna vek hilo ding ahim? Mi dang cheng sanga na dawh pen leh na taksan pena um a, Thiempu lien, Ana Pathien thu a heta hetam, lungthim sa-ikna bei kei a thiempu na tawh, politics tawh sumkawlvei thuoh ngampa kha.

Abang abang hileh, thawhkitna makai Pa chanchin thawhkitna taksanglopi, Sadukaipi, na dawh mawng mawng chuh, gen beh ding a bei hi.

Tawbang lungthim na put hi bangmah dang zieka ei puoi; na dinmun, na lalchutphah A hun chuh ding na lau ahi zawi. Na hihna na hah it e. Na chapa upapen kha le na lalchutphah a hun chuh ding, na lauhthawng zieka na thah ahi ngut ve maw. Aleh, na pa khan nang lungthim chu ana pu taleh lalchutphah ah na chu na die?

Ahun siempa deihlama lunggel malakin, michingte thugen na het phet khan na nunsietna, hiemngamna, leh luhlulna na chawktho a, na sepahte na til a, "Zie Nausen hi Lengin hung pang intin, Kaisar gam hun laksak ding ahi" poh na vakti kawi a, politics poh na vakzepa, pasal naupang zezah lawm lawm kha na thahsaka. Na sepahte tawh dan na he kim na, Pu Herod? En tie, khenkhat chu a keng a tuu a, a lawihthek zieng uh ei ve, a nuteu pawmlai bang asatthau a, tuolbak lak khetna'n a nei ua,

liena pang sawt thei chauh, Judate kithawihna ding gancha haw nasan le ‘black market’ a zuok gu seka kisu hausa. Pathien thu a gilpi vaknaa nei, Sorkara piek ding khasana aleh nih nasana le pie khiello, napum napanga hun khawkdawkpa, Nausen A hih lai a na thah guot Pa ngeiin le “Si-al” A tihpa’n le (Lk. 13:32), nang dungsuna biek pen leh ho pena a hun neih toh zelpa-Ana-tawh na kiholim san mai a. A chieh phet khan suohlam miching thumte kha na lalchutphah pindan ah na kiholimpah a, a min uh Kasper, Europe a hung kipan, Nausen piek dinga sana hun puopa, Melkior, India a hung kipan, begaw hun puopa leh Balthazar, Aigupta a hung kipan, mura hun puopa khan kichien takin a hun hilh ua; Nausen chungchang le, “Khawia e Judate Leng hungpieng chuh? Suohlam ah a Aksi ka muu a, amah chibai buk ding a hung ka hui” tin a hun hilhchien kei u kha la. Lungthim mantheih ana pukha hi leh chin Nausen Mak chu va lawp khawm ding hunti le ahi mawh ding u. Na Secretary pa, ngeiin le malzin thumte chanchin kha kichientak leh chawm kim

takin, “mi mit hah leh mai puok dan zienga le mi lungthim hun tieng mandawk thei, Van a aksi haw nasan le, a vantang leh umzie nei haw he khen thei ahih dan teu, lunglutna lam ngala pawng lungluta, leng veivuia ahethlam ngal uh he ahihloh dan teu” a hun hilh vek kha la. A diktakin, na kimuhtuoh ding kuon ua, Thiempu lien ana pawt zawh tak a, zan nung pi a, kilawmlo taka, a hun zah ding uh nuom seluo leh nasa hunsa leu na tihna luot luot a, na ngawng chawm ek uk dim seta pasalpipi’n sana poh suongmantam poh na hun awh vangvei apat leh na mit pawng el ul, thizam kikalh neunou, na zukham zieka vak san beh nalaiset leh na thu sietdawk dan luk luk apat khan mipil nana-na chun, Nausen chungna na lunggel phatloh ziek kha ahe zieng ua, a guot zah uh na kawma thugen talo ahizaw mawh ding um. Khaw he deuh leh lungthim lamzang deuh khan hun helev kichienzaw semin a hun hilhna lawm lawm ding u e.

“Khawia e, Judate Leng..... amah chibai buk dinga hung ka hui” a tih u apat khan le, mithiem

8. A hawl ten amu a, amute a kipak ua, gimthei leh liengvai te kinepna umsun chuh Isu ahi. Nausen lungsiet umtak in A hung pieng a, mahleh lei leh van siempa ahi. Gan kuong ah kuol mahleh, gam tin ah gan guol simsen loh A nei hi. Thing kuong siemte Insung a hung seilien in mi nuoi nung te lak a hung khuosa mahleh, Lei leh Van Lalpen ahi. Lungngaihna he mi ahi a, muhsit leh engbawl in A hehpihte dingin thih tieng in A thuok a, than a vuih himahleh thihna’n a tuk den theih loh in kaihtawh in aum hi. Thihna chu A zawh tak ziek in, thi kit talo ding in Pa kawm a ei ngetsak dingin ana chieh tai. Ni khat tiengleh, zie mi genthei chu lopina bukim a thuom in, A hehpihte eina muok intin, A lopina chanpih ding I hui.
9. Lei a A lenlai in, lehkhahu a zik kha puo a, office le neilo mahleh, A chanchin kizikna

lehkhahu 66 aum a, thil diklo leh politics ngaihtuoh kha lo mahleh, midiklo te din A hinna a piei. A thil bawl cheng hi thudik leh hehpihna a kithuoh ahi. A thil neih go thil gen ding aum puo a, mahleh Lei leh Van hi Amah a ahitai.

10. A chieh touh nung kum 2000 val lam ahi tana achuh, tuni’n le Amah hawl te lungthim a luoh dim zinga ei viltha zing hi.
11. La a phuok kha puo a mahleh Amah pahchakna la, simsen louh in, chawiat in aum zing hi.
12. MBBS A zil puoi, mahleh simsen louh a sudam a, thudik tak a chiehpah ziekin Amah mudah le a tam hi.
13. Amah mai in Van apat in ahung suk a, Amah ngawn mah in a chieh tou hi. Lopi tak in hung kit in, lawi ting tak in Amah zui to tai tiu.

Zie lam achun na telna die?

KKP NEWS

1. SYNOD LIBRARY: Date 3/12/2017 (Sunday) 1:00 p.m. leh Rev. T. Kampu’n hawng intin, Rev. Thangkhoiem in a latna nei in a. Chuleh, Library a ding lehkhahu, furniture haw donate theih zing ahi. Mobile No. 8732066037
2. KKP GENERAL ASSEMBLY -CUM- ELECTION – 2018. Ahun 12 – 13 January. Amun: Chiengkawnpang, Hq. Church. KKP te’n ei zintun ding. **Assembly Palai ding chuh:** (1) CKKP & Project Committee Member cheng (2) Biel Standing Committee cheng (3) Khawtin KKP Chairman leh Secretary.
3. BIEL TIN AGENDA: Biel tin in agenda Letter Head a Chairman, Secretary singnature ngei tel a puok chiet ding ahi.
4. Khanglai Budget pie nailo te’n puok chiet ding.

E HE... LENG HEROD... NA CHE KHIEL IE!!

Upa Lalkhgin

Van nuoi khawvel ah leng leh lal bangzah ana pieng tau henla, hung pieng zel mahleu le, Leng Herod, nang guola pieng fuh leh pieng vangpha um kit ta puon au. Hauhsakna, hatna leh gam lien neih lamin a hun khel a tam maithei, ahiehziekin, tawbang lawm lawma hun pawimawh leh lamdang nang guola ana tuok kha khatle aum nai puou, umle um ta puona. Tuonthangmanga, khawvel nasanle siem ana hih ma a, thagau khawvela tuolgal ana um zieka (Exe. 298:1-19; Isai 14:12-15) Chung Pathien leh Vannuoi mihingte kala thubuoi sucham ding Pa, et-chim loh Eden Huon hawih chulsa pak thing bang lunsak kit ding Pa, Chamna Lal, Leng na hih laitaka na gam sunga ana pien ziekin. Himahleh, ze hun lemchang chu nana mat khel tak ziekin, vannuoi mihing lak leh thagau khawvel ngei ah, nang leh nang

kibawl in, mi minsiepen leh vangsie na hitai!!

Ami Israelte ana chawkbui namdang leh gamdang cheng khah, Lalpa'n hansie A na lawh sek mahleh, chawmkhat hal leh A na tung ding kit sek, na pienna leh mawmna Edomte tih loh ngal. Kientik ni neilo dinga Lalpa'n napu napate chenna gam, Edom, A na sapsietna cheng cheng kha (Isai 34: 5-6; Sam 137: 7; Exe. 25:12-14; Amos 1:11-12; Obadiah 1:8) abuk abela na khuk vek houh ahi hiel em? Ahiehlohleh, na gam min uh Edom a kitih maa, SEIN a kitih lai a, na pu na pate'n hutuma ana delh dawkhuh, HOR te hansie leh pa'p cheng kha (Gen. 1:6) nang chung tung vek hoh ahim? Hiemngamna thisana vawp leh hin na hi a, luhlulna leh chapona a dawn tel in na um a, sakeibaknei vel tamtak gilkiel saw'n bang hielin na nunsie a, panpihtu neilo

leh liengvaite mangbatna, mihing pau a gendawkhuh theih loh ahieh pheta, tui guola a mit ua hung luong dawkhuh chu na muh tieng, Hermon tanga hampa haw Van daichimin a suknaum a nuom a sak guol un, gawtmun mei in a haihgamsa na thagau chun nuomsa hileh akilawm ngei!!

Chapo zieka he khiel, het khel zieka che khiel, chet khel zieka gawtmuna lut, Pu Herod, chapona leh kihisakna tel loin, na hung pien dan leh mawm dan thu hi vak ngaihtuoh veng veng tie. Zie Nausen mak, na lalgama A pien ma kum 50 vela na pa, Antipater Arab mivantang leh Idumia mi maimai dinmun sang tak a, Judai gam awptua ana kawihpa, Kaiser, go hun luohpa kawma na thih nunga na chapa'n nihvei thumvei hiel ana sukminsiet guot (Luke 23:12), Pilat leh, Keriot-a cheng, Juda guolin na hun lemchang neihsun, Lalpa'n A hun piek chu, tui guolin na subuok tai!!

Thiemgau Habakuk in mi vangsiete chungchang ana gen, "Na damsung un thil khat ka hih hi, zechu mi'n hun hilh leu le

taksang tawp puon lau" ana tih kha nang chung ah adik tai; A chanchin a hun hilh ua, liehkhuh leh panpih malakin Nausen kha thah na guo ngal a (Mat. 2:16).

Bang guolin hawl inla, kilep lehchin le paulap ding him him na nei puoi. Kuoa na ngawh guot? Na hung pien lawh leh siema na um lawhpen kuoma'n hun hilhlo tak tak mawh? A chatgah ziekin leh mithiem ahieh loh ziekin ua Belam chingte kha nana linsak nawp loh hiel lele, mihiem leh nelnung gam gamlatak apat a Nausen pien thu ziekin chauha chu hung veng veng, Suohlam Michingte bek kha bangatia ana thuseh lo? A kicheidan u leh a tawih viel dan u apatin le amau thum kha ngaihthah mai mai ding mi ei puoi tih na he thei a, na mit ngein le na mu ngala. Bangzieka leh, kuo engbawla na hihna khela kikawiha, Nausen kha panpih sang a, Esau guola taksa nawpna leh damsung lopina ngaisang zaw a, a hun thu hilh u kha a sielam taka na lak ahi? A thum un na in ah a hung ua, linsakin na nei taluo puo a. Na ki-ek batpih, Sadukaipa, Sorkar miliente paisa a kat hata thiempu